

عندي اعتاب بگلي أصواب سامحني يا خويه الغمر

آه يا بوفاضل آه يا آه يا بوفاضل

حگك عليه يا الأخو
إحنا التواعدنا نظل
جيت اعتب وگلي طفح
ما مر في بالي تسلبك
حگك عليه
نبگی سويه
والله شبیدیه
مني المنیه

گلي انظر جنحي انكسر
يلمرتمي أعلى العلكمي
ضيعني بُعدك ياشهم
وبعينك أصواب السهم

شلون أرتاح صبري راح حزني في دلالي انحفر

آه يا بوفاضل آه يا آه يا بوفاضل

عندي اعتاب بگلبي اصواب سامحني يا خويه الكمر

آه يا بوفاضل آه يا آه يا بوفاضل

جيتك أجر ذيل المحن ومحمرة عيناى
وشفتك على حر الثرى طايح يدنياى
ما يسوى ماي العلگمي ما يسوى هالماى
عوف النهر ياخويه صد ردتك إلی أفاى

شیل النّبیل يابو الفضل وارحم دليلى المنكسر
خذ رايتك وئى گريتك وارجع يخويه للخدر

خويه گوم يكفي النوم ما ظنتي گلبك صخر

آه يا بوفاضل آه يا آه يا بوفاضل

عندي اعتاب بگلبي اصواب سامحني يا خويه الگمر

آه يا بو فاضل آه يا آه يا بوفاضل

غصني انكسر طولي ذبل وتلعب بي الريح
جيت بعباتي مو جسد بس هم وتجريح
يكسرنني خاطر شوفتك دمعاتي أتسريح
ساكت أشوفك ما ترد لو حتى تلميح

شفتك نهر يمّ النهر لكن جروفك نازفه
جمرة غضا ومن اللضى تشبه ونين العاصفه

وبالدلال أمن الأهوال بس يعلم الله اشكد صبر

آه يا بو فاضل آه يا آه يا بوفاضل

عندي اعتاب – ذكرى استشهاد العباس ابن علي عليه السلام – يوسف يعقوب المعاميري – 2022/8/1

عندي اعتاب بگلبي اصواب سامحني يا خويه الگمر

آه يا بو فاضل آه يا آه يا بو فاضل

تمنيت اضلل عالجسد
واگعد احذاك وارتيوي
لكن اشبيدي وحايطه
وعين الشماته بس تصد
خويه يعباس
منك ينوماس
اعلى النهر حراس
تتلاهب انفاس

وينه الگصد من أبتعد
وحدي أظل ما من أهل
عنك يليث الموزمه
ولا من غيور اتوسمه

تدري الصار؟ شوبوا النار وما عندي خيمه ولا مقر

آه يا بو فاضل آه يا آه يا بو فاضل

عندي اعتاب بگلبي أصواب سامحني يا خويه الغمر

آه يا بوفاضل آه يا آه يا بوفاضل

ولو بيدي جبتك للحرم
لكن شسوي وجثتك
وما عندي نعش الـ يملك
ويعز علي يابو الفضل
بس تعلم الحال
متكطعه اوصال
ولا عندي شيال
تبگی اعلى لرمال

كسرة ظهر وقت السفر
بذرة رمح دمك يسح
من يحدني شمر أبنائتي
وعينك تباري عيلتي

وبكوفان بس عدوان ما نلگی للرحمة أثر

آه يا بوفاضل آه يا آه يا بوفاضل

عندي اعتاب – ذكرى استشهاد العباس ابن علي عليه السلام – يوسف يعقوب المعاميري – 2022/8/1